

igitur effeceritis, ejus nos quamcito vestris litteris certiores facietis.

Die 9 Decembris 1518.

Summo Pontifici.

Sanctissimo et beatissimo in Christo patri et domino, domino Leoni digna Dei providentia Sacrosanctæ Romanæ ac universalis ecclesiæ Summo Pontifici, Leonardus Lauredanus Dux Venetiarum etc. pedum oscula beatorum etc. Nuper curam pariter ac desiderium in nobis mirifice renovavit eximium quoddam universi cleri vel universæ totius civitatis huiuscæ nostræ studium erga virum inculpatissimæ vitæ Laurentium Justinianum olim patriarcham Venetiarum; nam, Deo sic volente, cunctorum in præsentia quasi vox una, unum idemque desiderium solito vehementius incensum conspicimus videndæ illius diei, qua sanctam viri memoriam legitime jam, hoc est per inviolabile Sanctitatis Vestræ decretum, ut veri tandem nominis liceat venerari; quippe 136* memoriam tenemus a felici recordatione Sixti IV pontificis maximi mandatam duobus reverendis prælatis fuisse, cognitionem vitæ totius viri in summa omnium sanctitatis opinione defuncti. Sedulo ab illis quidem omnia ad verum investigata scriptisque solemnî ritu commendata et in archivis reposita; sed eadem postea incendio absumpta fuisse. Subsecutæ sunt mox et rerum atque temporum variæ gravesque mutationes, ut quamvis dolendum vehementer, non tamen omnino demirandum sit præclari operis redintegrationem et consumationem huc usque dilatam fuisse. Tamen, si nutu Dei factum hoc, sicuti non ab re fortasse, ita vel maxime nos juvat interpretari, iamque optimam in partem ducere, ut fausto scilicet ac felici Sanctitatis Vestræ pontificatui id an ne quasi integrum reservatum esse videatur, quo tantæ rei perfectio, qua religio christiana haud dubio amplificabitur, Sacrosanctæ Apostolicæ Sedis decus et honor increseat, Eterni vero Patris et Dei Omnipotentis nomen attolletur, tota sanctissimi operis huius confectio Vestræ Beatitudini accepta referatur; id quod Reipublicæ nostræ ejus semper observantissimæ incredibiliter gratum atque jucundum fore affirmamus. Igitur Sanctitatem Vestram, Beatissime Pater, etiam atque etiam oratum volumus, pro pastoralî officio suo dignetur, hoc, nobis summopere optantibus et sperantibus benigne concedere, ut ipsa duobus de integro honestissimis prælatis tanquam iudicibus apostolicis negotium hoc committat diligentissima perquisitione cognoscendum: ut suis post-

modum, ducente Deo, numeribus atque gradibus providenter illud ipsum perficere possint, quemadmodum in cæteris quoque actibus suis divina dictante inspiratione consuevit. Iudices autem ad rem hanc, ne desiderii nostri quicquam celemus, delegi exoptamus duos reverendissimos patres innocentissimos pariter atque integerrimos, dominos Altobellum Averoldum Sanctitatis Vestræ legatum apud nos agentem, et dominum Antonium Contarenum patriarcham Venetiarum, quibus ambobus par alterum vix optari meliores inveniri posse haudquamquam arbitramur, ut igitur ex omni parte nunc 137 fiat nobis quod vehementer optamus Beatitudo Vestra huic ni mirum obeundo muneri honestissimoque labori subeundo nominatorum utrumque destinabit, quod et illos pro innata in Deum pietate mandatorumque Vestræ Sanctitatis reverentia cum libentissime suscepturos confidimus, tum optime etiam atque sapientissime curaturos.

Data in nostro Ducali palatio, die 9 Decembris 1518, indictione . . .

Per universum Collegium mandante Serenissimo Principe lecta.

B. COMINUS.

Exemplum.

In libro 34 Rogatorum, ad cartas 1372, die 19 Augusti.

Cum Deus Omnipotens, in diebus nostris ostenderit huic benedictæ civitati lucem maximæ consolationis et devotionis reverendæ scilicet memoriæ domini Francisci Quirino patriarchæ gradensis, ejus meritis Dominus in vita et obitu ipsius domini patriarchæ ostendit multa notabilia et manifesta miracula, vadit pars, ne tanta lux remaneat in obscuro, sed clarius appareat ad consolationem perpetuam patriæ nostræ et totius fidei catholicæ, quod, ob Dei reverentiam et honorem nostrum, committatur ambassiatori nostro ituro ad romanam curiam, quod, expeditis factis principalibus super commissis, faciat et procuret quicquid bene poterit tam apud dominum Papam quam alios, quod præfatus dominus patriarcha canonizetur et ponatur in cathalogo Sanctorum, ut suis intercessionibus ista civitas semper conservetur in bono statu.

De parte, omnes.

(1) La carta 137* è bianca.